

REGLUGERÐ FRAMKVÆMDASTJÓRNARINNAR (EB) nr. 1877/2006

2011/EES/59/18

frá 18. desember 2006

um breytingu á reglugerð (EB) nr. 878/2004 um bráðabirgðaráðstafanir í samræmi við reglugerð (EB) nr. 1774/2002 að því er varðar tiltekna aukaafurðir úr dýrum sem flokkast sem efni í 1. og 2. flokki og ætlaðar eru til tæknilegra nota (*)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins

með hliðsjón af reglugerð Evrópuþingsins og ráðsins (EB) nr. 1774/2002 frá 3. október 2002 um heilbrigðisreglur um aukaafurðir úr dýrum sem ekki eru ætlaðar til manneldis ⁽¹⁾, einkum 4. gr. (4. mgr.), 5. gr. (4. mgr.) og 32. gr. (1. mgr.),

og að teknu tilliti til eftirfarandi:

- 1) Í reglugerð Evrópuþingsins og ráðsins (EB) nr. 1774/2002 er kveðið á um heilbrigðisreglur varðandi aukaafurðir úr dýrum sem ekki eru ætlaðar til manneldis. Í þeirri reglugerð eru aukaafurðir úr dýrum skilgreindar sem efni í 1., 2. eða 3. flokki, allt eftir því hvaða áhætta fylgir slíkum afurðum.
- 2) Í samræmi við þá reglugerð eru aukaafurðir úr dýrum, aðrar en efni í 1. eða 3. flokki, skilgreindar sem efni í 2. flokki, án þess að frekara tillit sé tekið til þess hvaða áhætta getur fylgt slíkum afurðum. Leyfð notkun aukaafurða úr dýrum í dýrafóður ræðst af því hvort slíkt efni er skilgreint sem efni í 1., 2. eða 3. flokki. Þó að heimilt sé að nota tiltekið efni úr 3. flokki í dýrafóður er yfirleitt ekki heimilt að nota efni úr 2. flokki í þeim tilgangi.
- 3) Tiltekna aukaafurðir úr dýrum, sem taldar eru hafa litla hættu í för með sér, falla þó ekki undir skilgreiningu á efni í 3. flokki í reglugerð (EB) nr. 1774/2002. Við sjálfgefna skilgreiningu slíks efnis sem efni í 2. flokki er ekki tekið tillit til þeirrar áhættu sem getur fylgt slíkum afurðum.
- 4) Reglugerð framkvæmdastjórnarinnar (EB) nr. 878/2004 frá 29. apríl 2004 um bráðabirgðaráðstafanir í samræmi við reglugerð (EB) nr. 1774/2002 að því er varðar tiltekna aukaafurðir úr dýrum sem flokkast sem efni í 1. og 2. flokki og ætlaðar eru til tæknilegra nota ⁽²⁾ var samþykkt til þess að heimila áframhaldandi setningu á markað, útflutning, innflutning og umflutning á tilteknum

aukaafurðum úr dýrum sem eru skilgreindar sem efni í 1. og 2. flokki og eru eingöngu ætlaðar til tæknilegra nota.

- 5) Í skýrslu sem framkvæmdastjórnin samþykkti um aukaafurðir úr dýrum ⁽³⁾ 21. október 2005 og lagði fyrir ráðið 24. október 2004 er dregin upp mynd af erfiðleikum, að því er varðar skilgreiningu á tilteknu efni sem efni úr 2. flokki, og fyrirhugaðar nokkrar breytingar á reglugerð (EB) nr. 1774/2002 við endurskoðun á þeirri löggjöf sem á að hefjast við lok árs 2006.
- 6) Meðan þessara breytinga er beðið ætti að vera mögulegt að nota tiltekna aukaafurðir úr dýrum, sem bera með sér litla áhættu og eru nú skilgreindar sem efni í 2. flokki, í tiltekið dýrafóður og í tæknilegum tilgangi. Í samræmi við það ber að rýmka gildissvið reglugerðar (EB) nr. 878/2004 til að heimila notkun á tilteknu efni í 2. flokki, sem ber með sér litla áhættu, til framleiðslu tæknilegra afurða og í tiltekið dýrafóður.
- 7) Því ber að breyta reglugerð (EB) nr. 878/2004 til samræms við það.
- 8) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

1. gr.

Reglugerð (EB) nr. 878/2004 er breytt sem hér segir:

1. Í stað fyrirsagnarinnar komi eftirfarandi:

„Reglugerð framkvæmdastjórnarinnar (EB) nr. 878/2004 frá 29. apríl 2004 um bráðabirgðaráðstafanir að því er varðar tiltekna aukaafurðir úr dýrum sem eru skilgreindar sem efni í 1. og 2. flokki í samræmi við reglugerð Evrópuþingsins og ráðsins (EB) nr. 1774/2002.“

(*) Þessi EB-gerð birtist í Stjtið. ESB L 360, 19.12.2006, bls. 133. Hentar var getið í ákvörðun sameiginlegu EES-nefndarinnar nr. 135/2007 frá 26. október 2007 um breytingu á 1. viðauka (Heilbrigði dýra og plantna) við EES-samninginn, sjá EES-viðbætur við Stjórnartíðindi Evrópusambandsins nr. 19, 10.4.2008, p. 51

(1) Stjtið. EB L 273, 10.10.2002, bls. 1. Reglugerðinni var síðast breytt með reglugerð framkvæmdastjórnarinnar (EB) nr. 208/2006 (Stjtið. ESB L 36, 8.2.2006, bls. 25).

(2) Stjtið. ESB L 162, 30.4.2004, bls. 62.

(3) COM(2005) 521 lokaútgáfa.

2. Í stað 1. gr. komi eftirfarandi:

„1. gr.

Gildissvið

1. Reglugerð þessi gildir um eftirfarandi aukaafurðir úr dýrum sem eru skilgreindar sem efni í 1. eða 2. flokki í reglugerð (EB) nr. 1774/2002 og eru eingöngu ætlaðar til tæknilegra nota:

a) húðir og skinn af dýrum sem hafa verið meðhöndluð með tilteknum efnum sem eru bönnuð samkvæmt tilskipun ráðsins 96/22/EB (*),

b) brædda fitu sem er fengin úr efni í 1. flokki og framleidd með aðferð 1, eins og um getur í III. kafla V. viðauka við reglugerð (EB) nr. 1774/2002, sem, ef um er að ræða brædda fitu úr jörturdýrum, hefur verið hreinsuð þannig að heildarmagn óleysanlegra óhreininda er ekki meira en 0,15% miðað við þyngd og fituafleiður uppfylla a.m.k. þá staðla sem um getur í III. kafla VI. viðauka við reglugerð (EB) nr. 1774/2002,

c) jörturdýragarnir (með eða án innihalds) og

d) bein og beinaafurðir sem innihalda hryggjarsúlu og hausnúpu og horn nautgripa sem hafa verið fjarlægð af hausnúpunni með aðferð þannig að kúpuholið er óskaddað.

Þessi reglugerð gildir þó ekki um aukaafurðir úr dýrum sem eru fengnar úr dýrum sem um getur í i. og ii. lið a-liðar 1. mgr. 4. gr. reglugerðar (EB) nr. 1774/2002.

2. Þessi reglugerð gildir um eftirfarandi aukaafurðir úr dýrum sem eru skilgreindar sem efni í 2. flokki í reglugerð (EB) nr. 1774/2002 í samræmi við g-lið 1. mgr. 5. gr. þeirrar reglugerðar og eru ætlaðar í fóður fyrir dýr önnur en alidýr á landi, í fóður handa aliloðdýrum eða til tæknilegra nota, þ.m.t. í beitu:

a) landhryggleysingja aðra en þær tegundir sem valda sjúkdómum í dýrum eða mönnum eða ummyndanir þeirra, s.s. lirlfur,

b) lagardýr, önnur en sjávarspendýr, sem koma ekki úr lagareldi,

c) lagardýr sem eru sérstaklega alin sem beita, að því tilskildu að beitan sé ekki notuð í lagareldi án undangenginnar vinnslu,

d) dýr sem teljast til ættbálks nagdýra og nartara, þ.m.t. dýr sem eru haldin sem alidýr til að framleiða afurðir úr dýrum, og

e) afurðir sem eru fengnar eða framleiddar úr dýrunum sem um getur í a- til d-lið, s.s. hrogn, en að undanskildu mjóli sem er unnið úr dýrunum sem um getur í d-lið.

(*) Stjtið. EB L 125, 23.5.1996, bls. 3.“

3. Eftirfarandi 1. gr. a er skotið inn:

„1. gr. a

Undanþága sem varðar viðskiptaskjöl og heilbrigðisvottorð

Þrátt fyrir ákvæði 1. liðar III. kafla II. viðauka við reglugerð (EB) nr. 1774/2002 mega smásalar afgreiða þær aukaafurðir úr dýrum, sem um getur í 2. mgr. 1. gr. þessarar reglugerðar, til notenda, annarra en stjórnenda fyrirtækja, án þess að þeim fylgi viðskiptaskjal í flutningi eða, þegar þess er krafist skv. reglugerð (EB) nr. 1774/2002, heilbrigðisvottorð.“

4. Í öðrum málslið 2. gr. komi tilvísun í „c- og d-lið 1. mgr. 1. gr.“ í stað tilvísunar í „c- og d-lið 1. gr.“

5. Í öðrum málslið 3. gr. komi tilvísun í „1. eða 2. mgr. 5. gr.,“ eftir því sem við á“ í stað tilvísunar í „a-lið 5. gr.“

6. Í stað síðasta málsliðar í 2. mgr. 4. gr. komi eftirfarandi:

„Að því er varðar aukaafurðir, sem um getur í 1. mgr. 1. gr., skulu innfluttar sendingar og sendingar í umflutningi sendar áfram í samræmi við þær verklagsreglur við eftirlit sem kveðið er á um í 4. mgr. 8. gr. tilskipunar ráðsins 97/78/EB(*)“.

(*) (Stjtið. EB L 24, 30.1.1998, bls. 9.“

7. Í stað 5. gr. komi eftirfarandi:

„5. gr.

Kröfur um merkingar, afhendingu, skráahald og meðhöndlun

1. Til viðbótar við þær kröfur um auðkenningu, sem kveðið er á um í I. kafla II. viðauka við reglugerð (EB) nr. 1774/2002, skal setja merkimiða á alla pakka með aukaafurðum úr dýrum, sem um getur í 1. mgr. 1. gr. þessarar reglugerðar, sem á stendur „BANNAÐ AÐ NOTA Í MATVÆLI, FÓÐUR, ÁBURÐ, SNYRTIVÖRUR, LYF OG LÆKNINGABÚNAÐ“.

Þó er heimilt að nota annan merkimiða, ef um er að ræða aukaafurðir úr dýrum sem ætlunin er að nota í lyf í samræmi við löggjöf Bandalagsins, sem á stendur „EINGÖNGU ÆTLAÐ TIL NOTKUNAR Í LYF“.

2. Allir pakkar með aukaafurðum úr dýrum, sem um getur í 2. mgr. 1. gr., skulu vera með merkimiða sem á stendur „EKKI TIL MANNELDIS“ nema þeir séu sendir, tilbúnir til sölu, í umbúðum sem á stendur að innihaldið sé eingöngu ætlað í fôður handa gæludýrum eða sem beita.

3. Senda skal aukaafurðir úr dýrum, sem um getur í 1. gr. þessarar reglugerðar, í sérhæfða, tæknilega stöð sem er samþykkt í samræmi við 1. mgr. 18. gr. reglugerðar (EB) nr. 1774/2002.

Þær aukaafurðir úr dýrum, sem um getur í 2. mgr. 1. gr., má einnig senda:

a) til stöðvar fyrir milliefni sem er samþykkt í samræmi við 1. mgr. 10. gr. reglugerðar (EB) nr. 1774/2002,

b) til geymslustöðvar sem er samþykkt í samræmi við 1. mgr. 11. gr. reglugerðar (EB) nr. 1774/2002,

c) til stöðvar til framleiðslu gæludýrafóðurs sem er samþykkt í samræmi við 1. mgr. 18. gr. reglugerðar (EB) nr. 1774/2002,

d) til bújarðar eða starfsstöðvar þar sem dýr eru haldin í samræmi við kröfurnar sem um getur í c-lið 2. mgr. 23. gr. reglugerðar (EB) nr. 1774/2002,

e) til framleiðslustaðar eða framleiðslustöðvar, eftir því sem við á, sem framleiðir:

i. snyrtivörur í samræmi við tilskipun ráðsins 76/768/EBE frá 27. júlí 1976 um samræmingu laga aðildarríkjanna um snyrtivörur (*),

ii. dýralyf í samræmi við tilskipun Evrópuþingsins og ráðsins 2001/82/EB frá 6. nóvember 2001 um Bandalagsreglur um dýralyf^o(**),

iii. lyf í samræmi við tilskipun Evrópuþingsins og ráðsins 2001/83/EB frá 6. nóvember 2001 um Bandalagsreglur um lyf sem ætluð eru mönnum^o(***),

iv. lækningatæki í samræmi við tilskipun ráðsins 93/42/EBE frá 14. júní 1993 um lækningatæki^o(****) eða

v. greiningartæki til greiningar í glasi í samræmi við tilskipun Evrópuþingsins og ráðsins 98/79/EB frá 27. október 1998 um lækningabúnað til sjúkdómsgreiningar í glasi^o(*****) eða

f) beint til smásölu þegar aukaafurðirnar úr dýrum eru:

i. sendar tilbúnir til sölu í umbúðum með merkimiða sem á stendur að innihaldið sé eingöngu:

— ætlað í gæludýrafóður eða í beitu

ii. þurrkaðar með aðferð sem dugar til að eyða sjúkdómsvaldandi lífverum, þ.m.t. salmonella, eða

- iii. djúpfrystar, ef um er að ræða aukaafurðir úr dýrum sem um getur í b- og c-lið 2. mgr. 1. gr. og d-lið ef um er að ræða nagdýr.

- c) eingöngu senda eða nota aukaafurðir úr dýrum til þeirra nota sem lögbært yfirvald hefur heimilað.

Með fyrirvara um reglugerð framkvæmdastjórnarinnar (EB) nr. 811/2003 frá 12. maí 2003 um framkvæmd reglugerðar Evrópuþingsins og ráðsins (EB) nr. 1774/2002 að því er varðar bann við endurvinnslu, þegar um er að ræða eina og sömu fisktegundina, gróft og brennslu aukaafurða úr dýrum svo og tiltekna bráðabirgðaráðstafanir^o(*****) má einnig senda aukaafurðirnar úr dýrum, sem um getur í b-lið 2. mgr. 1. gr. þessarar reglugerðar, til bújarðar eða vinnslustöðvar, sem hefur lagardýr, til notkunar í föður.

4. Eigandi stöðvar, bújarðar eða vinnslustöðvar, stjórnandi hennar eða fulltrúi þeirra, sem um getur í 3. mgr. þessarar greinar, skal:

- a) halda skrár í samræmi við 9. gr. reglugerðar (EB) nr. 1774/2002,

- b) sjá til þess að aukaafurðir úr dýrum fái, eftir því sem við á, meðhöndlun sem uppfyllir kröfur lögbærs yfirvalds þannig að efnið, sem verður til, skapi ekki hættu fyrir heilbrigði dýra og lýðheilsu,

- (*) Stjtið. EB L 262, 27.9.1976, bls. 169. Tilskipuninni var síðast breytt með tilskipun framkvæmdastjórnarinnar (EB) nr. 2006/78 (Stjtið. ESB L 271, 30.9.2006, bls. 56).
- (**) Stjtið. EB L 311, 28.11.2001, bls. 1. Tilskipuninni var síðast breytt með tilskipun 2004/28/EB (Stjtið. ESB L 136, 30.4.2004, bls. 58).
- (***) Stjtið. EB L 311, 28.11.2001, bls. 67. Tilskipuninni var síðast breytt með tilskipun 2004/27/EB (Stjtið. ESB L 136, 30.4.2004, bls. 34).
- (****) Stjtið. EB L 169, 12.7.1993, bls. 1. Tilskipuninni var síðast breytt með reglugerð (EB) nr. 1882/2003 (Stjtið. ESB L 284, 31.10.2003, bls. 1).
- (*****) Stjtið. EB L 331, 7.12.1998, bls. 1. Tilskipuninni var breytt með reglugerð (EB) nr. 1882/2003.
- (*****) Stjtið. ESB L 117, 13.5.2003, bls. 14.“

8. Í b-lið 7. gr. komi tilvísunin „3. mgr. 5. gr.“ í stað tilvísunarinnar „c-lið 5. gr.“

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 18. desember 2006.

Fyrir hönd framkvæmdastjórnarinnar,

Markos KYPRIANOU

framkvæmdastjóri.